

Biblioteca San Nicolas ta habri su portanan na YMCA San Nicolas



ORANJESTAD (AAN): Biblioteca San Nicolas a habri su porta back pa publico. Entrante e siman aki ta brinda e servicio di presta buki na publico di San Nicolas y vecindario.

Biblioteca San Nicolas awor ta situa, temporalmente, den edificio di YMCA San Nicolas.

Manera ta conoci aña pasa pa diferente motibo mester a sera e edificio di biblioteca



na San Nicolas. Despues di e repasa diferente posibilidad a dicidi pa acerca YMCA San Nicolas. A yega na un convenio cu biblioteca por haci uso di e dos salanan grandi cu nan tin.

Mientras tanto e renovacion di e edificio bieu a cuminsa



caba. E meta ta pa aki 5 pa 6 luna biblioteca por bay back caminda e tabata ta.

Biblioteca Nacional Aruba ta contento cu por sigui duna servicio na San Nicolas. YMCA ta cerca di hopi school y sigur hopi estudiante lo por yega eynan pa haci uso

di e facilidadnan cu Biblioteca tin pa ofrece. Aunke cu e espacio no ta mes grandi manera publico ta sinta studia of lesa ta poco limita, e ta un espacio agradabel pa bishita. Tur hende ta bon bini.